



Шормо эл, порымлык да гим бер!

ЯМДЕ ЛИЙ

1933 ий 1 февраль годсек лектеш.

0+

*Шергакан выпускник,
пагалыме ача-ава да
туныктышо-влак!*

Улышдан эн йомартле пагытше шенгелан кодо, школ дене чеверласыме тат шуо. Ончылно тендам экзамен-влак, кумда илыш корныш ушышо корно вучат. Те самырык, виан да волгыдо ончыкылыклан ўшаныше улыда. Ончыланда целыым шынден, шке вийлан ўшанен, сенымашке шуаш тыршыза. Школышто налме келге шинчымаш шонымашкыда шуаш полша, шонем.

Пагалыме туныктышо-влак!

Тендан вий-куатланда, чытымашланда, шуктен шогымо пашаланда кугу таум ойлем. Тунемшыда-влак порылык да чын верч ўжшө урокда-влакым ўмыр мучко шарнаш тўналыт манын шонем.

Школ дене чеверласыме жап – ача-аваланат тургым тат.

Тендан ушан ой-кагашда, йоратымашда икшывыда-влак-лан сенымашке шуаш, чын корныш шогалаш полшат.

Шергакан выпускник-влак!

Экзамен-влакым сайын кучен, ончыкылык професийым чын ойырыза. Пиалым, куаным, тазалыкым тыланем.

Н.В.АДАМОВА,

**Марий Эл Республикысе
образований да науко
министр.**



КОРНЕТ ПИАЛАН ЛИЙЖЕ, ВЫПУСКНИК!



Д.РЕЧКИНЫҢ фотожо.

Снимкыште:
Советский район
Кельмаксола
школын выпуск-
никше **Пётр
ЕРОСЛАНОВ**
(9-ше класс) ден
**Виолетта
ТРИФОНОВА**
(1-ше класс).

*Пытартыш онгыр угычын йонга.
«Урок пытен! Кенез! Ура-а!» шокта.
А выпускникын шинчавїд йога:
«Меверын школ, салам кугу ола!»*




23 - 25
майыште Марий
Эл Республикысе 225
школышто 9-ше
да 11-ше класс-
лаште тунемше-
влаклан пытар-
тыш онгыр
йонгалтын.

2018
ИЙЫШТЕ
КУМ ТЎЖЕМ
ВЫПУСКНИК
ШОЧМО
ШКОЛЖО
дене чеверласа.

28 май гыч 20 июнь
марте нуно ЕГЭ-м сдатлаш тўналыт.

ПОДПИСКЕ

Йоча-влак, кенез каникул лишемеш. А тудым кузе пайдалын эрта-раш лиеш? «Ямде лий» газет – эн сай да ўшанле йолташ. Марла йоча газет кенезымат тендам онгай паша-влак дене куандараш тўналеш. Подпискым ышташ ида мондо!
Газетын акше – 298 тенгеат 80 ыр.
ИНДЕКС – П4696.



9-ше классым куд тўжем ўдыр-рвезе тунемын пытарен. Йот йылме предметым ойырен налше-влак 25 майыште икымше экзаменым кученыт.



Товатлыме мурым нуэныт

Марий Эл Республикыште «Йоча пагытын 100 тулотыжо» акций эртен.

Тушко Шүргыял школын «Рвезе тукум» йоча ушемжат ушнен. Нылымше классыште тунемше 7 ұдыр-рвезым йоча ушемын радамышкыже пуртышна. Нуно мурым мурышт, шочмо элым йбраташ, йоча ушемын чолга енге лияш, сайын тунемаш товатышт. Ынде йоча-влакын онгыштышт кум тўсан галстук йолга.

Е.В.ГРИГОРЬЕВА, школын вожатыйже.
Морко район.

Таумутна

«Ший памаш» съл-нымут фондым вуйлатыше, Волжский район Сотнур школын выпускникше, III ранган капитан **В.В.КРАСНОВ** шочмо кундемсе 10 школлан «Ямде лий» газетлан подпискым ыштен. Пагалыме Василий Владимировичлан кугу таум ойлена.



Моло-влакымат тыгай суапле пашаш ушнаш ұжына.

Увер

Йошкар-Оласе 29-ше №-ан школын тунемшыже Мария Смирнова «Иванушки International» группын «Город рыжих» мурын клипыштыже войзалтын. Съёмкыш пўтынъ Россий гыч 50 наре икшыве погынен. Клиплан келшышын, Машалан ұпшыым чиялташ пернен. Удырлан тидыже келшен веле.

Морко районушто «Зарница Поволжья» военно-спортивный модыш эртен. Тагасымашке шым команде ушнен. Участник-влак гранатым кышкеныт, автоматым ронченыт, погеныт, лўйылтыныт, куржталыныт. Икымше верым «Шўдыр» команде (Арын школ) сеген налын. «Акпатыр» (Зеленогорский школ) кокымшо лийын. «Онар» (Унчо школ) кумшо верыш лектын.

В.СМИРНОВ ямдылен.



Чодыраште тулым ужмеке, 112 номер дене йынгыртиза.

Кеңежым яндар южышто 4 шагат утла кошман.

С.Г.Чавайн лўмеш калыкле книгагудын краеведений пўлкаштыже Марий комсомоллан 100 ий темме лўмеш «Славный путь марийского комсомола» книга ончер почылтын.

1 июнь-ышто Йошкар-Олаште Национальный президент сымыктыш школышто «Изи мўр пеледыш» республикысе йоча пайрем 10 шагатлан тўналеш.

2-3 июньышто спорт ориентирований дене Марий Эл Республикын чемпионатыне да первенствыже эртаралтеш.

Кў майыште окыште – февральыште ок коч.

Давыран кўмыж-совлам иўдлан кодыман озыл – пўртводыж сыра.



МАРИЙ МУТЧО



ИПАКОВА
Марина Тимерьяновна,
филологий шанче кандидат

Шочмо вер: Пошкырт кундем, Краснокам район, Ёлыл Такия ял.

Шочмо кече: 1972 ий 23 ноябрь.

Тунемме вер: Ёлыл Такия тўн школ (1988 ий). Арлан кыдалаш школ (1990 ий). Марий кугыжаныш университетысе историй да филологий факультет (1995 ий). МарГУ пеленысе аспирантур (2004 ий).

Диссертаций теме: «Марий йылмысе капкыл ужаш мутвундо» («Соматическая лексика марийского языка»). Вуйлатыше: филологий науко доктор, профессор, академик И.Г.Иванов.

Паша корно: 1995–1999 ийла – Марий кугыжаныш университетысе финн-угор йылме-влак кафедрын кугырак лаборантше; 1999–2000 ийла – финн-угор филологий кабинет вуйлатыше; 2000–2002 ийла – марий кафедрын методистше; 2002–2003, 2008 ийла – Турку университетыште (Финляндий) стажировко; 2004–2006 ийла – марий йылме кафедрын туныктышыжо; 2008–2009 ийла – общий да финн-угор языкознаний кафедрын кугырак туныктышыжо. 2005 ий гыч – В.М.Васильев лўмеш Йылмым, сылнымутым да историйым шымлыше марий институтын кугырак шанче пашаенже.

Шымлыме паша: 40 утла шанче пашан авторжо.

– Марина Тимерьяновна, мўндыр Пошкырт кундем гыч Марий Элын рўдолашкыже тунемаш толаш кў але мо кумыланген?

– Шочмо ялыштем, Ёлыл Такия школышто, марий йылмым да литературым Раиса Васильевна Каметова туныктен. Тудо шкеже Марий Эл гыч, мемнан ялыш марлан толын. Туныктышемыв пашажым эскерен, тудым ончен, мый Йошкар-Олаш тунемаш толынам.

– Шанче пашашке кунам ушненат?

– Марий кугыжаныш университетым тунемыв пытарымек, филологий науко доктор, профессор Юрий Владимирович Андуганов финн-угор йылме-влак кафедрыш пашам ышташ ўжў. Мый уло кумылын келшышым. 2000 ийыште финн-угор йылме-влак кафедр кок кафедралан шелалте. Филологий науко доктор, профессор И.Г.Иванов мыйым марий йылме кафедрыш методистлан нале. Иван Григорьевичын темлымыж почешак 2001 ийыште аспирантурыш тунемаш пурышым. Тудлан мый жапыштыже таумат каласен шым шукто, ўмыржў лугыч лие... Мый тудын ончылныжо вуем савем...

– Тале йылмызе-влак коклаште пашам ыштымеке, йылме наука келгынрак шымлаш тўнгалынат.

– Тидат чын. Марий кугыжаныш университетыште тунеммем годым пеш виан, опытан туныктышо-влак И.С.Галкин, И.Г.Иванов, Г.С.Патрушев, Н.И.Исанбаев, Ю.В.Андуганов, С.С.Сабитов да молат туныктеныт. Профессор Зиновий Васильевич Учаев занятий-влакым пеш устан эртарен, уроклашкыже куанен коштынам. Курсовой пашамат тудак вуйлатен. Диплом пашамат йылме дене возенам. Садланак, очыни, мый сылнымутым огыл, а йылмым ойырен налынам.

Л.ГРИГОРЬЕВА мутланен.


Марий йылмын
орчыктышыжо –
салырык туныктыш
кыдыштыже. Шоча-
влакын марий
калык ийла дене
налдараи, нунылан
шочмо йылмын
туныктыш гыч, да
эше тидлар ача-аба
ден кугызе-влак
йўрлы ыштат да
эфертыш селын
лийыт гыч, йылмын
наи арален коден
керттына, шочел.

Мурсемлан шўман еш

Уста ешна дене кугешнем да тендамат палдарем. Мыйын кугезе ковам мурсемлан шўман лийын. Шуко мурым пален, уныкаже-влакымат туныктен. Кугезе ковам пörтыш издерым пуртен пуа улмаш, а йоча-влак тушко күзен шогалын чўчкеныт. Ковамат мураш йората. А.Конаковын «Кунавий» пьесыже почеш шындыме спектаклыште Кунавийын рольжым модын. Авам верысе тўвыра пörт пеленысе ансамбльыш коштеш. Акам изиж годсек мура. Мыят изирак класслаште тунеммем годым концертлаште мастарлыкем ончыктенам. Кызытат түрлө пайремышке, конкурсышко ушнем. Сўан йўла фестивалыште (2015 ий) мый марлан кайыше ўдыр лийынам. Почеламутым я прозым лудмаште усталыкем тергем. Паша шольым фортепяно дене шокта, а Макар шольым мура, кушта, гармоньым шокташ тунемнеже.

Советский, Кукмарий.

Оля КОШКИНА.



Фотом еш архив гыч

Тений Джон Уорреннын передачым сниматлымыж годым ончылшогышо ўдырлан ўжыныт.

Йоратыме урок – Марий йылме урок. Тушто мый марла лудам, Тушто мый марла возем, Тушто мый марла ойлем. Родной йылме – шörтнөй йылме. Шочмо йылмым пеш йоратем, Шочмо йылмым чот мохтем.

Роман РУКАВИШНИКОВ,
6-шо класс.
Советский, Кукмарий.

Синквейн

Книга
Кугу, күжгө.
Туныкта, полша, лудыкта.
Шуко ум пален налына.
Шинчымаш.
Дима ХАЛТУРИН.
Советский, Öрша.



«ОЛМАПУ» шомакыште мыняр марий мутым муыда?
Милена МАКАРОВА.
Одо, Алнаш,
Маскиял.



Чапшым нöлташ тўнгалам

Кызытсе жапыште шуко йылме йомын толеш. Марий йылме тыгай туткарыш ынже логал манын, ме тудым аралышаш улына. Нигушто нигунам шке йылмына деч вожылшаш огынал. Шочмо йылме лач шörтнөйлак шерге. Тудым налаш але ужалаш огеш лий, тудын дене кугешныман гына. Мыйын шонымаште, кө шочмо йылмыжым огеш пале, тудлан тиде кугу намис.

Южгунам, утларакшым школышто, тыгай шомак-влакым колаш лиеш: «Икымше класс гычак марий йылмым тунемам! Молан тиде мыланем күлеш? Садак марла кутырен моштем...» Шкенжым пагалыше марий ег нигунам тыге шонышаш огыл. Умырна мучко марий йылмым тунемаш тўнгалына гынат, садак чылажым тунем огына шукто.

Мый изиэм годсек марий шўлышан улам. Арам огыл кок ий почела марий йылме дене республикысе олимпиаде гыч 1-ше да 2-шо вер дене пörтылынам. Марий Элыште илымемлан, марла ойлымемлан, марий ўдыр улмемлан нимынярат ом вожыл. Марий йылме мыйын илышыштем кугу верым налеш. Тудын чапшым нöлташ тўнгалам!

Кужэнгер, Кугу Рееж.

Виктория МАМАЕВА.



Огай

Марий йылмыште суффикс полшымо дене шуко у мут шочын. Лўм мутым ышташ 42 суффикс, пале мутым ышташ 27 суффикс, глаголым ышташ 40 угла суффикс, наречийым ышташ 21 суффикс кучыталтыт.

Мут поянлык

Шинча подкинде гай лиеш – пеш чот лўдаш, öраш, шинчам кугемдаш.



Нерым

кадыртылаш – шкем күшкө шындаш, кугуэш ужаш.

(Ф.Т.Грачеван «Марий фразеологий мутер» книгаже почеш.)



#мыйыноемденемкелшет?

Марий йылмын ончыкылык пўрымышыж нерген мом каласен кертыда?

Анатолий ЗАРЕЦКИХ,

Марий Эл Республикын сулло артистше:

– Марий йылмына нигунам огеш йом манын ўшаныме шуэш. Мый гын ўшанем, тыге лийшаш. Молан школышто марий йылме урок арнялан ик гана веле?! Ойлат: ешыште марла ойлаш туныктыман. Ик семынже тиде чын, а школжо вара молан?



Журналист паша йылмым арала

Людмила Фёдорова - Параньга район Кугу Починга ялын шочшыжо. Эн ондак верысе тўналгыш школышто, вара Кугу Пумарий кыдалаш школышто тунемын. Школ деч вара И.С.Палантай лўмеш тўвыра да сымыктыш колледжышке академический музых вокал отделениеш тунемаш пурен. Кўшыл шинчымашым налаш Марий кугыжаныш университетыш куснен. Этнокультурный рўдер вуйлатыше, туныктышо лийын лектын. Кызыт Марий Эл ГТРК-н национальный вещаний пўлкан редакторжо.

- Кузе да кунам журналист пашаш шогалында?

- Журналист лияш шонымаш кугурак класслаште тунемем годымак вуйышто шочын. Но илышыштем йўршеш вес специальностьым ойырен налынам. Марий телевиденийышке мый кок ий ончыч, 2016 ий 4 майыште, ўжмў почеш толынам. Тиде кече мыланем кугу пайрем гай чучеш. Лиеш гын, календарыште йошкар буква дене кугун гына Пайрем кече манын возем ыле.

- Могай нелылык дене пашаште тўкненда?

- Кеч-могай у верыште, палыдыме пашаште тўналгышлан нелын чучеш. Изиш ўрмашат лийын: текстыште тыге каласаш лиеш ала уке, передачылан герой-влакымат шке кычалман, нунын дене психолог семын шкем кучен, мутланен моштыман. Кугурак-влак дене ик семын, а йоча-шамыч дене йўршын вес семын пашам ыштыман.

- «Шонанпыл» передачым вўдышў йочам кузе ойыреда?



Фотом еш архив гыч налме.

Мыланна, журналист-влаклан, передачым эфирыш лукмо годым моткоч тўткў лийман, йылме шапашна кугу, мутпогына поян лийшаш.

- Чаманен, чон коржынак каласаш логалеш: марла сайын кутырышо йочам олашлат, яллашлат муаш пеш куштылгыжак огыл.

Южгунам чонлан пеш йўсын чучеш. Школышко миен пурет, а тушто марла мутланаш кумылан йочажат 3-4 веле лектеш. Ала вожылыт, ала мо. Школ коридорыштыжат чўчкыдынак рушла мутланыме веле шоктен кодеш.

- Телевидений яндар марий йылмым ышташ кузе полша?

- Журналист литератур йылмым сайын палышаш, марла куштылгын, чаткан кутырен моштышаш. Мемнам калык онча, колыштеш. Йоча-влакат телевизор гоч чын, яндар марий йылмым колыштын кушшаш улыт. Колынам, южо школлаште туныктышо-влак урок жапыште «Шонанпыл» ден «Пошкудем» передачылам ончыктат. Тиде куандара. Келшыше материал дене туныктышо-влаклан кеч изиш полшен кертына гын, тугеже пашана арам огыл.

Х.АЛЕКСАНДРОВА мутланен.

Правил тўняште

Звонкий согласныйлан
Шўм ден йўк келшен толман.
Глухой согласный йўкым
Луктеш моткочак ўкым.
Мутым фонетически лончылаш
Адак кўлеш чыла палаш.
Фонетике, графике, орфоэпий -
От пале гын, шоно да кий.



Нине правил да молат
Чын возашет туныктат.
Ит ўркани нимают,
Тунем! Тўчў тыршенак!
Ида мондо марий йылмым!
Тўзатыза Марий Элым!
Тудат поян, виан лийже,
Уло тўня тек палыже!



Л.СОШИН.

Кугешнем

Йўратыме туныктышем - Нина Вениаминовна Иванова. Тудо марий йылме ден литературым туныкта. Уло шинчымашыжым мыланна пуа. Кажне ийын тудын деке практикыш студент-влак толыт. Нунынат шинчымашыштым пойдара. Туныктышына дене кугешнем.

Эмилия АЛЕКСАНДРОВА,
7-ше класс.

Морко,
Коркатово.



Марлашке кусаре

- 1.Спина. 2.Зима.
- 3.Рубаха. 4.Частушки.
- 5.Потолок.
- 6.Простокваша.
- 7.Лестница.

Иван РЕПИН.
Советский,
Ўрша.

Мотор шошо кече, май тылзе. Йырым-йыр пўртүс түзланен. Ломбо пеледыш пуш шарлен, кече мучко кайык муро йонга. Йоча-влаклан тиде пагыт эн куанле. Таче каныш кече, школыш кайыман огыл. Тидлан йывырген, изи ўдыр-рвезе-влак уремыште модын куржталыт. Теве Люба, сад-пакчаш лектынат, пушенгыште кечыше шырчык омартам ончышт шогылтеш. Воктенысе суртышто илыше Танюш, пече кокла гыч тудым ужынат, чарга йўкшө дене саламлакте:

- Поро эр, Люба! - кидшым рўзалтыш. - Мом ыштылат? Айда модаш.

- Садыште пеш сылне, - пелештыш ўдыр, кидше дене олмапу вуйыш ончыктыш: - Ужат, кодшо ийын ачам шырчык омартам ыштен сакен ыле, ынде тушечын кайык муро йонга.

Танюш пеш тўткын ончышто, вара шыргыжалын пелештыш:

- Ынде чыла шукшым, копшангым пытарат.

- Кузе тыге нуно пытарат? - өрын йодо Люба.

Танюш умылтараш пиже: «Икымше классыште тунемме годым туныктышо

урокушто кайыкын пайдаже нерген каласкален. Шулдыран йолташна-влак шуко пайдам кондат».

- Ух, мыйынат школыш кайымым шуэш, - келгын шўлалтыш изи Люба. - Тений теве мыланем шым ий теме, шыжым мыят миен шуам.

Таня ойжым умбакыже шуйыш: «Кайык кече мучко тунар шукшым пытара, кунар шкенжын нелытше шупшеш».

- У-у, кайык тыгай изи веле, а тыгай пашаче улмаш, - пелештыш Люба. - Тугеже ачамлан каласышаш, тек шукрык омарта-влакым чога.

- Туге, - келшыш Таня. - Эн тўнжө пыжашыштым аралаш мондыман огыл. Кайыкын тушманже шуко. Теве мемнан Мурзик пырысна нуным, шўвылым йоктаре-нак, эскерен шинчылтеш.

Изи ўдыр өрын шогале: «Мом ынде ыштенаже?»

Таня шоналтышат, мане:

- Айда тиде йодышлан вашмутым книгаште ончалына, - йолташ ўдыржым кидше гыч кучышат, нуно пырля книгагудыш ошкылыч.

Алевтина БОГДАНОВА.

ШОШО КЕЧЫН



И л е н
У л м а ш
В а л ю ш
лўман изи
ўдыр. Тудо
п о н г ы м,
е м ы ж -
саскам погаш
йўратен. Икана

Валюш чодыраш каен да йомын. Шортын-шортын, корным кычалын. Кенета кугу-у шўкшак ораш миен пернен. Мо гына тушто уке: пудыргышо янда ате, пластик кўмыж-совла, консерве банке... Изи ўдыр өрмыж дене йўкын кычкырал колтен:

- Шўкшак орам кō ыштен?! Ваштарешыже Чодыра оза лектын, онжо дене кугун шўлалтен манын:

- Тынар шуко торым, шўкым нумалаш капемлан пеш неле. Молан ен-влак, каналташ толытат, почешышт кышкен кодат? Изи йолташем, тый мыланем шўкшакым погаш полшет мо?

Изи ўдыр ден Чодыра оза

Валюш моткоч куанен. Ойлен:

- Полшем, Чодыра он! Йолташем-влакымат ўжам.

Вес кечын йоча-влак чодыра лонгаште торым погеныт, йўлалтеныт, чодырашке пурымаште «Чодырам аралаш кўлеш! Кажныже локтылаш тўналеш гын, ме вескана понгымат, снегымат огына уж!» манын возыман онам сакеныт. Шўкшакым кышкаш яшлыкым шынденыт.

Чодыра озат полшен: сай игечым пуэн. Кажне икшывым лышташыж дене

ниятлен, шокшо кечыйол дене шыматен - тыге таум ойлен.

Валерия ЧЕРЕМУШКИНА.
Оршанке, Кугунур.

Кōраныше корак

Тошто йомак

Ик садышке шўшпык чонештен толын, пушенгыш шинчынат, шўшкаш тўналын. Тудын йўкшым колышташ изижат-кугужат погынат. Ала-кушеч кенета корак чонештен толеш. Шўшпыкым колышташ погынышо ен-шамычым ужешат, кōранен шоналта: «Тиде сур тўсан изи кайыкын чарга йўкшым колышташ мо сōралже! Мый тудын дечат кугу улам, йўкемжат кўжгō да талынак йонгалтеш. Шого-ян, мый шке муралтен пуэм!»

Корак шўшпык дек чонештен мия. Шўшпыкым чўнгаш тўналеш, сад гычын поктен колта. Варажым пушенге укшыш шинчын, уло логар пундашыж дене карал колта:

- Кар! Кар! Кар!

Садышке погынышо-шамыч коракын кычкырлымыжым колышт шогат, чот шыдешкат да кожен колтат.





Илени
улмаш
кугыза
ден кува
Алунын
ик үдү-
рышт
лийын.

Ачаже-
аваже
коллат
— үдүр
тулыкеш
кодеш.



Удүр суртшо гыч лек-
тын кая. Ик кувам вайли-
еш. Тудын деч уыдан пыр-
чымы йодеш.



Кая-каа, кас
лиеш ик алыште
кува деке малаш
пура.

Уыдан
пырчымы
чыве
вүташ
пышта.




Иүдым чыве-
влак шыдан
пырчымы
кочкыт.
Олмешыже
кува
үдүрлан
чывымы
пура.



Удүр кая-
каа, адак кас
лиеш. Вес
алыш шуэш,
кува деке
малаш пура.

Кува чывымы
комбо вүташ
петыра.




Эрдене
кыналыт —
чыве коллат.
Олмешыже
кува үдүрлан
комбымы
пура.

Имне үдүрлым
почтыш налгая. Тушто
үдүр «Амде лийлан» под-
пискымы ышта.



Кушо
кастене
үдүр адак
малаш пура.
Озавате
комбымы
имне вүташ
петыра.



Иүдым имне комбымы
чумен пытара. Озавате
үдүрлан комбо олмеш ош
имнымы пура.



Илышы-
те шинчы-
машымы
нимо дене
от ваш-
талте.

«Ош вүльö» йомак почеш
Ф.ЛЕБЕДЕВА сүретлен.

1000 числа 40 деч мыняр гана кугу?

Поро маска

Морко посёлкысо 1-ше номеран йочасадыште районсо семинар эртен. Ме икшыве-влак дене «Поро маска» йомакым марла модын ончыктенна. Йоча-влакым изинек марий йылме деке кумыландыман, тыге нуно марий улмышт дене кугешнен кушкыт.

И.АЛЕКСЕЕВА.



Фотом йочасалын архивше гыч налме.

28 май – Пограничникын кечыже



Сүретым чиялте.

Паша-влакым 23 июнь марте колтыман, vk.com/yamde_lii адрес дене тўшкаш верандена. 3 июль марте йўклаш лиш. Эскерыза!



Ой-ой-ой, Кузя мөнгыжō корным йомдарен? Йоча-влак, тудлан полшыза.

Шинчаланшудо А, С, К, В1, В2, РР, Е витамин-влаклан поян. А эше могай саска тиде витаминлан поян?

Сад-пакча емыж лўмым кычал муза.

Виолетта МАТВЕЕВА. Волжский, Пётъял.

К	И	П	О	М	О	А
Э	Я	Р	Р	И	Л	М
Н	Ы	К	Ы	Д	О	Р
У	Ж	Е	Ш	К	А	В
Ш	М	Е	Н	Г	А	У
К	Ы	Ш	Ш	О	Н	Н
О	В	Т	А	М	О	Р



КОНКУРС!

«Икымше транспортем»

Илюша (2 ияш), Сева (6 ияш) да Юля (5 ияш) КОНСТАНТИНОВМЫТ. Морко посёлко.

5 = 12 =

4 + 6 -

4 - 3 +

7 + 8 -

8 + 7 -

12 -

Кō писынрак примерым шотла?

Шўжарем

Тый эше изи улат,
Но чыла вере шуат,
Чапат ден топ-топ куржат,
Мый ом шукто ужынат.
Йōратет куржтал модаш.
Куанет, кунам моктат.
Мом ужат – чыла налнет,
Палыманыс тыланет:
Мо гын тудо? Мо таман?
Нимоат ок лий таклан!
Шыргыж тольыч воктекем,
Кок кизатым шаралтен.

Алёна ВАСИЛЬЕВА.
Морко, Коркатово.



Индекс: Марий Элыште, Пошкырт ден Татарстан кундемлаште - П4696. Тираж 1150 экз. Заказ 1028. Формат – А-4-8. Директор-тўнг редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.pro,
Тел. 8(8362) 45-22-82(факс)

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугижаныш унитарный казна предприятий.

Газетым редакцияштыште погымо да версталыме, «СТРИНГ» ИПФ ООО-што ямде оригинал-макет гыч савыктыме. Типографийн адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымаште законодательством шуктен шогным эскерыше Федеральный службын Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

Газетым Печать да массовый коммуникаций шотышто Федерал агентствын окса полишыж дене лушко.

0+ Печатыш пуымо жап – 14-00, фактически – 13-00

Авторын да редакциянын шонямышт түрлө лийын кертыт. Серыш-влак мөнгеш огыт коллат. Ак – кутырен келшыме почеш.

Редакциянын да издательнын адресше: 424006, Йошкар-Ола, СССР Вооружённый Вийын 70-ше идалькыше урем, 20 (почтовый) Энерўмбал Амстердам, 1 (фактический).